






EXAMEN D'EMPROVA 2

Num: _____	Data: _____
70 – 60 puncts: fitg bun _____	Puncts cuntanschids: <ul style="list-style-type: none">• chapientscha dal text:  20• stgazi da plects:  10• producziun da text:  15• grammatica:  25
59 – 45 puncts: bun _____	
44 – 30 puncts: sufficient _____	
sut 30 puncts: betg sufficient _____	
	puncts totals:  70

A) Chapientscha dal text

Legia attentamain il text e respunda sunter uschè exact sco pussaivel a las dumondas! Per mintga punct stos ti chattar e nudar in argument!

Attenziun: formular las respostas en **frases entiras!**

Damaun

dad Elvira Pünchera

- 1 Ti es gia ì avant ch'ils prims radis da sulegl han laschè piztgar mes nas. Jau nun avess pensà
2 ch'jau dormia uschè stagn ch'jau na ma dasdia cur che ti ta fas davent en chalzers innocents.
3
4 Jau sfrusch mes egls, ma els ardan anc adina, pli profund che be sut las paletschas dals egls.
5 Cun star en schanuglias en quest letg ester d'in hotel privà, bada che mes chau gira anc adina,
6 jau ves furmias, stailas e balluns e cruschs che sautan sco strias sin lur scuas, che sautan e
7 furman in maletg confus cun colurs sgiagliadas.
8
9 En bucca haja anc adina il gust da quest vin dultschin da la Vuclina, in dals unics che ma gustan
10 propi e ch'jau poss giudair senza pensar ad iva ascha.
11
12 Jau vegn or da letg e ramass mia vestgadira, la prend en bogn e la bit là per terra, sin las plattinas
13 alvas cun l'ur brin ch'èn flatgadas levamain cun in tun brin cler.
14
15 Il spievel ma tradescha in purtret ch'jau na sun betg, ma mussa rintgs sut ils egls che vegnan
16 rinforzads da la mascra naira che tatga. Or da mia tastgina da tgirom prend jau il barschun da
17 dents e la pasta ch'jau met si. La pasta sa storscha or da la tuba e sa preschenta en ina colliaziun
18 fantastica da strivlas alvas, melnas e cotschnas. In pau aua surengiu il barschun prenda il gust
19 ferm da menta, avant ch'jau chatsch il barschun en bucca e cumenz a sfruschar ils dents.
20 Vulvend il barschun en tuttas direcziuns pussaivlas, partind da la vart dretga da la gianoscha sur,

21 vom jau puspè or dal bogn en la stanza cun il letg dubel da pign. En sasez ina bella stanza.
22 Las tendas blauas èn tratgas be a mesas, las tendas da taila alva, retgamadas cun murinellas
23 finas paran d'esser fatgas anc a maun dad ina dunnetta en stiva chauda.
24
25 Jau stoss tusser, la pasta da dents m'è passada giu per la gula da dumengias. Senza vulair croda
26 in pau sbava sin il tarpun verd ed jau cur en bogn per spider or il rest da la sbava, maschadada
27 cun pasta da menta. Jau lav il barschun, prend trais faziets dal palpì da tualetta, vom or en
28 stanza e nettegel il tarpun. I va davent senza problems. Jau vom danovamain en il bogn e bit ils
29 faziets en la tualetta. Quels sa dissolvan, sa laschan magliar da l'aua, emprovan da sa deliberar
30 cun in ultim sforz avant ch'jau tir l'aua e persequitesch co che aua frestga vegn squittada en la
31 tualetta, in'aua blau stira che vegn colorada dal crap da savur da la vart dretga dal rintg da
32 tualetta. Jau avrel la spina d'aua freida da la duscha dapli che quella da l'aua chauda e ma dasd
33 sut in radi penetrant d'aua frestga che prenda cun sai l'impressiun da siemi e che lascha enavos
34 in minz da la realitad che enramescha questa notg.
35
36 Ti'egliada avev'jau badà senza ma stuair volver, sco sche ti m'avessas strivlà be finin sur mes
37 dies en. Ti'egliada tatgava er anc vida mes dies cur che ti t'has tschentà sper mai e ti'egliada s'ha
38 pir persa cur ch'jau l'hai resentida entamez mia vista, profund en mes egl.
39
40 Tge avevas ditg l'emprim? Jau na sai betg pli, ma igl era insatge ridicul e nus avain cumenzà a rir.
41 Jau ser ils egl e ves ina lingiada da dents alvs che glischan en la cleritad d'in traglisch da
42 sulegl. Jau ves ina bucca marcanta en moviment che furma vocals e consonants che sa
43 maschaidan ad ina mixtura da bellas frასas profundas cun istorgias vastas che m'han fascinadas.
44 Cun mintga construcziun has elavurà il tunnel en mes mir perfetg da quadrels bain furmads, al
45 has fatg passar fin en il magugl da mi'olma che ti has emplenì cun picturas novas e musica cun
46 tuns esters sa chattan ad ina melodia fitg armonica.
47
48 Jau prend bler savun liquid e ma sfrusch ils chavels e mes corp, entant che las undas da savun
49 suondan al viadi da l'aua e chattan la via en il scul. Jau storsch las spinas da l'aua e guard a
50 passar ils ultims daguts che suondan la via per s'unir en in mar d'aua da conducts differentes.
51
52 Cur ch'jau ma sfrusch cun il sientamauns oransch da l'hotel, m'imagescha tia emprima
53 branclada sin il banc avant l'hotel, tia bratscha che m'ha enserrà e ma tegnì en salv e quest
54 inscunter che ha mess sutsur tut las uras, be per in mument.
55
56 Jau bit il sientamauns en la duscha, ma dun ina curta petgnada senza schliar ils nufs en mes
57 chavels e ma tir en la vestgadira dad ier saira. Il barschun, la tuba da dents ed il petgen smatga
58 puspè en mia tastgina da tgirom.
59
60 Jau vom or dal bogn, chamin vi tar la fanestra dubla ed avrel omadus ventagls. Il sulegl ma
61 tschorventa malgrà tut anc ils egl. Tuttina giauda la vista vers in tschiel blau che vegn purtà d'ina
62 gruppa da muntognas cun tachels da naiv.
63
64 Jau smatg mes pes en mes chalzers nairs senza avrir las curegias, dun anc in ultim sguard e vom
65 vi tar la porta. Jau l'avrel, vom or dad isch e ser el. La clav penda endadens e pitga cun il lain cun
66 si il numer da la stanza anc dus giadas be finin vi da la porta. Cun ir giu da stgala raccoglie la
67 tschertezza ch'jau na ta vegn a vesair pli.

1. Il titel è «Damaun». Pertge?

1 p	
-----	--

2. Nua sa splega questa istorgia? Tge sas ti dal lieu? Noda almain duas chaussas!

2 p	
-----	--

3. Tgi è la persuna principala? La descriva cun trais frsas!

3 p	
-----	--

4. Danunder prenda la matta il barschun da dents e la pasta?

1 p	
-----	--

5. «Jau sfrusch mes egls, ma els ardan anc adina, pli profund che be sut las paletschas dals egls.» Tge manegia ella cun questa frasa?

2 p	
-----	--

6. «Cun mintga construcziun (frasa) has elavurà il tunnel en mes mir perfetg da quadrels bain furmads.» Tge manegia ella cun 'in mir perfetg'? Argumentescha!

2 p	
-----	--

7. Tge fa l'um en l'istorgia? È sia reacziun giustifitgada? Explitgescha!

2 p	
-----	--

8. Cura vesan l'um e la dunna puspè in l'auter? Argumentescha tia resposta!

1 p	
-----	--

9. Èn questas frastas gistas u faussas tenor il text? Fa ina crusch!

	gist	fauss
L'um ha bels dents alvs.		
La dunna e l'um èn trists suenter questa aventura.		
Ina petgnada schlia adina ils nufs en ils chavels.		
Els passentan ina notg en in letg dubel da lain.		
La dunna ha il gust da vin en bucca.		
L'um sa discurrer bain ed a moda fascinanta.		

6 p	
-----	--

B) Stgazi da plets

1. Sinonims

a) Inditgescha mintgamai in sinonim (pled da la medema spezia/medema significaziun) per ils suandants plets! (exempel: magher – falomber)

innocent (2)	
confus (7)	
frestg (30)	
armonic (46)	
l'emprim (52)	

2.5 p

b) Tge pled na va betg a prà cun ils auters? Fa ina cruschi!

<input type="checkbox"/> arder	<input type="checkbox"/> arsentar	<input type="checkbox"/> brischar	<input type="checkbox"/> esser en flommas
<input type="checkbox"/> fantastic	<input type="checkbox"/> famus	<input type="checkbox"/> grondius	<input type="checkbox"/> surstà
<input type="checkbox"/> snegar	<input type="checkbox"/> tradir	<input type="checkbox"/> denunziar	<input type="checkbox"/> dir ora
<input type="checkbox"/> petrifitgar	<input type="checkbox"/> pensar	<input type="checkbox"/> patratgar	<input type="checkbox"/> ponderar
<input type="checkbox"/> rinforzar	<input type="checkbox"/> affirmar	<input type="checkbox"/> confermar	<input type="checkbox"/> promover
<input type="checkbox"/> cumenzar	<input type="checkbox"/> entschaiver	<input type="checkbox"/> cuntinuar	<input type="checkbox"/> iniziar
<input type="checkbox"/> l'inscunter	<input type="checkbox"/> la sentupada	<input type="checkbox"/> la reuniun	<input type="checkbox"/> la branclada

2.5 p

2. Antonims

Inditgescha mintgamai in antonim (pled da la medema spezia/significaziun cuntraria) per ils suandants plets! (exempel: grond – pitschen; betg lubì: grond – betg grond)

la tschertezza (67)	
bel (21)	
dultschin (9)	
ramassar (12)	
ester (5)	

2.5 p

3. Declerar pleds

Declera cun frastas entiras e correctas las suandantas expressiuns che cumparan en il text!
Ti na dastgas betg duvra l'expressiun senza en tia explicaziun!

giudair (10)	
in'egliada (36)	
l'hotel (5)	
tschorventar (61)	
la realitad (34)	

2.5 p	
-------	--

D) Grammatica

1. Negaziun

Transfurma questas frasis en frasis negativas!

Exempel: Il temp passa spert. – Il temp na passa betg spert.

1. Nus essan stads sin il Piz Corvatsch.

2. Marco vegn a giudair las vacanzas en l'hotel.

3. La mamma l'ha cumprà ina bella valisch.

4. Discurra pli plaun!

5. Pertge van els a mangiar ina pizza?

6. Naivi?

7. Sidonia legia adina la gasetta.

8. Ursina ed Ursin han chattà en mintga chasa brunsinas veglias.

2. Transformaziun da peds

Transformescha ils peds en la spezia da peds inditgada!

Exempel: *precis* (nomen); **precisiun**

imaginar (nomen)	
rinforzar (nomen)	
il savun (verb)	
bel (nomen)	
schliar (adjectiv)	
vesair (adjectiv)	
avrir (nomen)	
la muntogna (adjectiv)	

4 p	
-----	--

3. Furma dal verb

a) Cumplettescha la tabella cun las furmas che mancan!

Exempel: *preschent*; 2. pers. sing.; *mussar*; **ti mussas**

temp	persuna	verb	furma conjugada
1. preschent	2. pers. sing.	emplenir	
2. futur I	1. pers. sing.	chaminar	
3. perfect	2. pers. plur.	fugir	
4. futur I	3. pers. sing.	realisar	
5. imperfect	1. pers. plur.	fruschar	
6. gerundi		ir	
7. plusquamp.	2. pers. sing.	laschar	
8. perfect	2. pers. plur.	tradir	

4 p

b) Cumplettescha la tabella!

Exempel: *el ha scrit*; **scriver**; **perfect**

frasa	infinitiv	temp
1. nus faschevan		
2. els vegnan ad esser turnads		
3. igl era		
4. vus avevas scrit		
5. ti fruschas		
6. els mettevan		
7. el ha chapì		
8. jau vegn ad avair gi		

4 p

4. Curreger sbagls

Mintga frasa sutvart cuntegna in sbagl. Suttastritga il sbagl e scriva la furma correcta en la tabella!

**Attenziun! En tut hai 9 sbagls. Perquai dastgas ti era mo far 9 correcturas.
Sche ti suttastritgas dapli, perdas ti puncts.**

1. Ella na tgapescha betg pertge ch'el è parti.
2. Mario na lascha luc.
3. Vas en Brasilia in vacanzas?
4. Nus giain cun il tren fin a Cuir e faschain ina visita el teater.
5. La fanestra da la stiva es averta.
6. El ta dat il maun e ta regordà a ses aug.
7. Tatta Maria ha tegni endament tut las istorgias dal passà.
8. Fiss igl en urden per tai da guardar dals uffants per duas uras?
9. Gievgia, ils 17. da favrer ha lieu il curs da samaritans.

1. correctura	
2. correctura	
3. correctura	
4. correctura	
5. correctura	
6. correctura	
7. correctura	
8. correctura	
9. correctura	

EXAMEN D'EMPROVA 2: SOLUZIUNS

A) Chapientscha dal text

1.

- Perquai che l'entira istorgia tracta da la damaun suenter in one-night-stand/aventura sexuala.
- Perquai ch'ins vesa tut cun auters eglis la damaun e la realitad è puspè pli clera.

(Per ina resposta correcta datti in punct.)

2.

- En in hotel en ina regiun muntagnarda.

(Per ina resposta correcta che cuntegna ils plects «hotel» e «muntagnard/muntogna» datti dus puncts.)

3.

- La persuna principala è ina dunna giuvna.
- Ella è in tip che fa blers patratgs – cunzunt suenter ina tala notg.
- Ella ha costruì in mir enturn ella.
- Ella è in tip che fa stim da mintga detagl, tuttina sch'i sa tracta dals conumans, da las mobiglias u da la natira.
- Ella va gugent en sortida.
- Ella è averta per in'aventura e lascha sa fascinar dad umens che fan baterlims.
- Ella posseda ina tastga da tgirom e prenda adina cun sai in barschun da dents ed ina pasta da dents cun in petgen.

(Per mintga resposta correcta datti in punct, totalmain datti trais puncts.)

4.

- La dunna prenda il barschun e la pasta or da sia tastgina da tgirom.

(Per la resposta correcta datti in punct.)

5.

- La dunna n'ha betg durmì bler la notg passada.
- Eglis che brischan pon esser la consequenza da la sortida da la notg passada, forsa dal fim e da l'alcohol.

(Per ina resposta correcta datti dus puncts.)

6.

- La matta è normalmain ina persuna serrada. Il lectur na sa dentant betg pertge. Sur onns ha ella bajegià in mir enturn ella. Probablamain è ella già vegnida trumpada intginas giadas en sia vita, saja quai dad umens u en connex cun auters schabetgs.
- Il mir perfetg da quadrels bain furmads è in mir senza foras u sfessas, in construct fitg cumpact e dir.
- Il mir è ina protecziun persunala per betg survegnir mal d'amur.

(Per mintga risposta correcta datti in punct, totalmain datti dus puncts.)

7.

- L'um sa dat fadia da vegnir en contact cun la giuvna.
- L'um parta la damaun baud già avant che la dunna leva.
- Tar in classic one-night-stand n'ha nagin gust e veglia da cumenzar ina relaziun. Il lectur na sa betg, sch'ils giuvens avevan sclerì quella situaziun.
- I n'è betg pussaivel da valitar la reacziun dal giuven.

(Per ina risposta correcta datti dus puncts.)

8.

- L'um e la dunna na vesan betg pli in l'auter (sin il pli per schabetg).
- I sa tracta d'in one-night-stand. Els han passentà ina notg ensemen, na vulan però betg avair ina relaziun comunabla.
- L'um n'ha betg laschà enavos ses numer da telefon. La dunna na po pia betg contactar el.

(Per ina risposta correcta datti in punct.)

9.

	gist	fauss
L'um ha bels dents alvs.	X	
La dunna e l'um èn trists suenter questa aventura.		X
Ina petgnada schlia adina ils nufs en ils chavels.		X
Els passentan ina notg en in letg dubel da lain.	X	
La dunna ha il gust da vin en bucca.	X	
L'um sa discurrer bain ed a moda fascinanta.	X	

(Mintga risposta correcta dat in punct, totalmain datti sis puncts.)

B) Stgazi da plets

1. Sinonims

a)

innocent	senza culpa, pur, cast
confus	in tranter l'auter
frestg	nov, net, saun, viv (laina verda)
armonic	equilibrà, gulivà
l'emprim	il prim, quel a la testa, il meglier, il campiun, davanttiers, a l'entschatta

(Mintga risposta correcta dat in mez punct, totalmain datti dus puncts e mez.)

b)

<input type="checkbox"/> arder	<input checked="" type="checkbox"/> arsentar	<input type="checkbox"/> brischar	<input type="checkbox"/> esser en flommas
<input type="checkbox"/> fantastic	<input type="checkbox"/> famus	<input type="checkbox"/> grondius	<input checked="" type="checkbox"/> surstà
<input checked="" type="checkbox"/> snegar	<input type="checkbox"/> tradir	<input type="checkbox"/> denunziar	<input type="checkbox"/> dir ora
<input checked="" type="checkbox"/> petrifitgar	<input type="checkbox"/> pensar	<input type="checkbox"/> patratgar	<input type="checkbox"/> ponderar
<input type="checkbox"/> rinforzar	<input type="checkbox"/> affirnar	<input type="checkbox"/> confermar	<input checked="" type="checkbox"/> promovar
<input type="checkbox"/> cumenzar	<input type="checkbox"/> entschaiver	<input checked="" type="checkbox"/> cuntinuar	<input type="checkbox"/> iniziar
<input type="checkbox"/> l'inscunter	<input type="checkbox"/> la sentupada	<input type="checkbox"/> la reuniun	<input checked="" type="checkbox"/> la branclada

(Mintga risposta correcta dat in mez punct, totalmain datti dus puncts e mez.)

2. Antonims

la tschertezza	la malsegirezza, la malsegirtad, l'intschertezza
bel	trid, pauc estetic, detestabel, maltgiert, orribel
dultschin	amar
ramassar	bittar (davent), sfarlattar
ester	indigen, local, enconuscent, da chasa

(Mintga risposta correcta dat in mez punct, totalmain datti dus puncts e mez.)

3. Declerar plets

Soluziuns pussaivlas:

giudair	Insatge, p.ex. in glatsch da vaniglia u vacanzas, ch'ins consumescha u far cun gust e plaschair.
in'egliada	Il s'egls guardan per in mumentin en ina direcziun u sin in object.
l'hotel	Ina chasa cun in tschert confort, en la quala ils giasts pon pernottar per ina u pliras notgs (vacanzas) e nua ch'ins po per regla era mangiar.
tschorventar	Clerezza extrema reducescha la vesida.
la realitad	Ins vesa insatge sco quai ch'igl è, igl è in fatg, ma tuttina sa mintgin vesair quai auter.

(Mintga resposta correcta dat in mez punct, totalmain datti dus puncts e mez.)

C) Produenziun da text

cuntegn e chapibilitad	- lingua clera e bain chapibla - fluss da la lingua - suandà las indicaziuns dal pensum - coerenza e logica interna	2 2 1 2	7
varietad: stgazi da plets e structura da las fresas	- stgazi da plets varià e differenzià - evitar germanissem ed anglicissem - fresas variadas (simplas e cumponidas)	2 1 2	5
correctadad formala	- correctadad fonematica - correctadad morfematica - correctadad sintagmatica		3
TOTAL			15

D) Grammatica

1. Negaziun

1. Nus n'essan betg stads sin il Piz Corvatsch.
2. Marco na vegn betg a giudair las vacanzas en l'hotel.
3. La mamma na l'ha betg cumprà ina bella valisch.
4. Na discurra betg pli plaun!
5. Pertge na van els betg a mangiar ina pizza?
6. Naivi betg? Na naivi betg?
7. Sidonia na legia mai la gasetta.
8. Ursina ed Ursin n'han chattà en nagina chasa brunsinas veglias. Ursina ed Ursin n'han chattà nagliur brunsinas veglias.

(Mintga negaziun correcta dat in mez punct, totalmain datti quatter puncts.)

2. Transfurmaziun da plets

imaginar (nomen)	l'imaginaziun
rinforzar (nomen)	il rinforz, il rinforzament
il savun (verb)	savunar
bel (nomen)	la bellezza
schliar (adjectiv)	schliabel
vesair (adjectiv)	visibel
avrir (nomen)	l'avertura
la muntogna (adjectiv)	muntagnard

(Mintga risposta correcta dat in mez punct, totalmain datti quatter puncts.)

3. Furma dal verb

a)

temp	persuna	verb	furma conjugada
1. preschent	2. pers. sing.	emplenir	ti emplainas
2. futur I	1. pers. sing.	chaminar	jau vegn a chaminar
3. perfect	2. pers. plur.	fugir	vus essas fugids/fugidas
4. futur I	3. pers. sing.	realisar	el vegn a realisar
5. imperfect	1. pers. plur.	fruschar	nus fruschavan
6. gerundi		ir	giond
7. plusquamp.	2. pers. sing.	laschar	ti avevas laschà
8. perfect	2. pers. plur.	tradir	vus avais tradì

(Mintga resposta correcta dat in mez punct, totalmain datti quatter puncts.)

b)

frasa	infinitiv	temp
1. nus faschevan	far	imperfect
2. els vegnan ad esser turnads	turnar	futur II (futur exact)
3. igl era	esser	imperfect
4. vus avevas scrit	scriver	plusquamperfect
5. ti fruschas	fruschar	preschent
6. els mettevan	metter	imperfect
7. el ha chapì	champir	perfect
8. jau vegn ad avair gi	avair	futur II (futur exact)

(Mintga resposta correcta dat in mez punct, totalmain datti quatter puncts.)

4. Curreger sbagls

1. Ella na tgapescha betg pertge ch'el è parti.
2. Mario na lascha _ luc.
3. Vas en Brasilia in vacanzas?
4. Nus giain cun il tren fin a Cuir e faschain ina visita el teater.
5. La fanestra da la stiva es averta.
6. El ta dat il maun e ta regordà a ses aug.
7. Tatta Maria ha tegni endament tut las istorgias dal passà.
8. Fiss igl en urden per tai da guardar dals uffants per duas uras?
9. Gievgia, ils 17. da favrer ha lieu il curs da samaritans.

1. correctura	chapescha
2. correctura	betg
3. correctura	en
4. correctura	en il
5. correctura	è
6. correctura	regorda
7. correctura	tegnì
8. correctura	Fissi
9. correctura	ils 17 da favrer

(Mintga sbagli chattà e curregi endretg dat in punct, totalmain datti nov puncts.)